

春秋傳服氏注

春秋傳服氏注十

鄭氏佚書十五之十

鄭袁鈞學

昭公左氏傳解詁第十

告于莊共之廟而來

元年

莊謂楚莊王圍之祖共王圍之父

儀禮聘禮疏

楚公子圍設服離衛

離衛二人執戈在前在國居君離宮陳衛在門

本疏

蒲宮有前不亦可乎

蒲宮楚君離宮言令尹在國已居君之宮出有前戈

不亦可乎

本疏

吾代三子愍矣

愍憂也代伯州犁憂公子圍代子羽憂子皙

本疏

周有徐奄

賈逵云書序曰成王伐淮夷遂踐奄徐卽淮夷一曰

魯公所伐徐戎也

本疏攷證曰賈說卽杜註疏云賈逵亦然是杜用賈也疏引賈後又

引服虔云一曰云云稱一曰者別一通也必先有正解解誼蓋先列賈義後附別通孔氏旣以賈同杜不載而別通又無名氏卽于一曰上橫加服虔云三字耳說已見文十一年皇父之二子條宣元年見叔牂條

吾與子弁冕端委

禮衣端正無殺故曰端文德之衣尙袞長故曰委

本疏

十里舍車自雍及絳歸取酬幣終事八反

每于十里置幣車一乘千里百乘以次相授車率皆
日行一百六十里謂從絳向雍去而復還一享之間
八度至也

本疏

兩于前伍于後專爲右角參爲左角偏爲前拒

司馬灋云五十乘爲兩百二十乘爲伍八十一乘爲
專二十九乘爲參二十五乘爲偏彼皆準車數多少
以爲別名此傳去車用卒而有此名則此名不以車
數爲別也

本疏

遷闕伯于商丘主辰商人是因故辰爲商星遷實沈于

鄭氏佚書

春秋傳服氏注十

二

大夏主參唐人是因

辰大火主祀也商人契之先湯之始祖相土封鬲伯之故地因其故國而代之大夏在汾澮之間主祀參

星

史記鄭世家注

唐人卽是劉累

本疏

其季世曰唐叔虞

唐叔虞卽下句邑姜所生者也

本疏

當武王邑姜方震太叔

邑姜武王后齊太公女也

史記晉世家注

昔金天氏有裔子曰昧爲元冥師生允格臺駘

金天少皞也元冥水官也師長也昧爲水官之長允

格臺駘兄弟也

史記鄭世家注

臺駘能業其官

修昧之職

鄭世家注

障大澤以處太原帝用嘉之

障陂障其水也太原汾水名帝顓頊也

鄭世家注

山川之神則水旱癘疫之災于是乎禳之

禳爲營攢用幣也若有水旱則禱祭山川之神以祈

福也

鄭世家注

勿使有所壅閉湫底

湫著也底止也

本疏攷證曰又見釋文

郭氏失書

春秋傳服氏注十

于是有煩手淫聲

鄭重其手而音淫過

公羊莊十七年疏

六氣曰陰陽風雨晦明也

風東方雨西方陰中央晦北方明南方惟天陽不變

詩漸漸之石疏攷證曰詩疏傳賈逵服虔以風東云云又云陰中云云

伍舉問應爲後之辭焉

問來赴者

史記楚世家注

趙孟適南陽將會孟子餘甲辰朔烝于溫

孟趙盾子餘趙衰甲辰朔夏十一月朔也

本疏祭人君

用孟月人臣用仲月

禮記王制疏

有嘉樹焉宣子譽之

二年

譽游也宣子游其樹下夏諺曰一游一譽爲諸侯度

木疏

少姜有寵于晉侯晉侯謂之少齊

所以寵異不與齊眾女字等言齊國如此好女甚少

本疏

晉侯使郊勞

近郊三十里

詩駢疏

火中寒暑乃退

三年

火大火星也季冬十二月平旦正中在南方大寒退

鄭氏佚書

春秋傳月日注十

季夏六月黃昏火星中天暑暵是火爲寒暑之候事

也

詩七月疏

以備內官焜耀寡人之望

焜明也耀照也言得備妃嬪之列照明已之意望也

本疏攷證曰釋文引焜耀訓

而三老凍餒

三老者工老商老農老也

本疏攷證曰又見釋文本疏無也字釋文無者字

民人痛疾而或煨燂之

煨燂痛其痛而念之若今時小兒痛父母以口就之

曰煨燂代其痛也

本疏

其相胡公大姬

相隨也

本疏攷證曰釋文云相服如字

說鼎之銘

讒鼎疾讒之鼎明堂位所云崇鼎是也一云讒地名

禹鑄九鼎于甘讒之地故曰讒鼎

本疏

子豐有勞于晉國

鄭僖公之爲太子豐與之俱適晉

本疏

四嶽

四年

四嶽東嶽岱南嶽衡西嶽華北嶽恆

詩崧高疏

三塗

塗道也三塗太行轅轅崢嶸也

水經伊水注攷證曰又見本疏無塗道也

三

古者日在北陸而藏冰西陸朝覲而出之

陸道也北陸言在謂十二月日在危一度西陸朝覲

不言在則不在昴謂二月在婁四度

周禮祭人疏

其出之也朝之祿位賓會喪祭于是乎用之

祿位謂大夫以上賓客會喪有祭二月日出在婁四

度春分之中奎始晨見東方蟄蟲出矣故以是時出

之給賓客喪祭之用

詩七月疏

月令仲春天子乃獻羔啟

冰

本疏攷證曰疏上承二月日在婁四度春分之中奎始晨見東方以是時出冰二十二字謂服以此

言出之卽是仲春啟冰
故爲此說文重刪去

其藏之也黑牡秬黍以享司寒其出之也桃弧棘矢以
除其災

司寒司陰之神元冥也將藏冰致寒氣故祀其神

詩七

月疏桃所以逃凶也棘矢者棘亦有箴取其名也蓋出

冰之時置此弓矢于凌室之戶所以禳除凶邪將御

至尊故慎其事爲此禮也

本疏

公始用之火出而畢賦

謂春分時奎婁晨見東方而出冰是公始用之

周禮漿人

疏攷證曰承前謂
二月在婁四度下

火出于夏爲三月于商爲四月于

鄭氏佚書

卷之四 鄭氏佚書

周爲五月

漿人疏攷證曰又見詩七月疏無首二字

秋無苦雨

害物之雨民所苦

詩甫田疏

康有鄴宮之朝

鄴宮成王廟所在也

史記楚世家注

王曰吾用齊桓

召陵之役齊桓退舍以禮楚靈王今感其意是以用

之

本疏

屬有宗祧之事于武城寡君將墮幣焉

墮輪也言將輪受宋之幣于宗廟

本疏攷證曰詩正月疏引前三字釋

文引輸
也二字

商紂爲黎之蒐東夷叛之

黎東夷國名也子姓

史記楚世家注

鄭子產作丘賦國人謫之

子產作丘賦者賦此一丘之田使之出一馬三牛復

古廩耳丘賦之灋不行久矣今子產復修古灋民以

爲貪故謫之

本疏

蔡及曹滕其先亡乎

齊景亡滕

隱七年疏

饗大夫以落之

豷以豷豚爲落

詩斯千疏

卿喪自朝

五年

言卿葬三辭于朝從朝出正門卿佐國之楨幹君之

股肱必過于朝重之也

本疏

使亂大從

使亂大和順之道也

釋文攷證曰本疏無也字

明而未融

融高也

詩東方之口疏

享類有璋

享獻

釋文

朝聘之禮使執玉以授主國之君乃行享禮

獻國之所有類見也謂行享禮以見主國之君也

本疏

攷證曰疏稱鄭氏先儒以爲云云蓋卽鄭服也釋文云鄭服皆以享爲獻耳

殮有陪鼎

陪牛羊豕鼎故云陪鼎

本疏

羊舌四族

伯萼叔向叔魚季夙

本疏

何不可之有

何不可之有言不可也

本疏

遠啟疆待命于零婁

零婁楚之東邑

史記吳世家注

三辟之興皆叔世也

六年

政衰爲叔世叔世踰于季世季世不能作辟也

本疏

儀式刑文王之德日靖四方

儀善式用刑濫靖謀也言善用濫文王之德日日謀

安四方

本疏

儀刑文王萬邦作孚

儀善也刑濫也善用濫者文王也言文王善用其濫

故能爲萬國所信也

本疏

藏爭辟焉

鑄鼎藏爭辟故今出火與五行之火爭明故爲災在

器故稱藏也

本疏

不抽屋不强句

抽裂也言不毀裂所舍之屋也句乞也不就人强乞

也

本疏

士正相

攷證曰今本作士句疏云諸本及王肅董遇注皆作士正俗本或誤爲士句傳諸本鄭服在其

中今本卽所謂俗本也

暨齊平齊求之也

七年

賈逵以爲魯與齊平許惠卿以爲燕與齊平虔謂襄

二十四年仲孫羯侵齊二十五年崔杼伐我自爾以

來齊魯不相侵伐且齊是大國無爲求與魯平此六

年冬齊侯伐北燕將納簡公齊侯貪賄而與之平故

傳言齊求之也齊次于號燕人行成其文相比許君

近之

本疏攷證曰虔謂本作服虔曰以義攷疏引此注自賈逵以爲至許君近之則賈君以下皆解

說見前

士臣阜阜臣與與臣隸隸臣僚僚臣僕僕臣臺

阜造也造成事也與眾也佐阜舉眾事也隸隸屬于

吏也僚勞也其勞事也僕僕豎主藏者也臺給臺下

微名也

本疏

作僕區之濫

僕隱也區匿也爲隱匿亾人之濫也

釋文攷證曰本疏引隱下脫匿

字

好以大屈

賈逵曰大屈寶金可以爲劍大屈金所生地名一曰大屈弓名魯連書曰楚子享魯侯于章夢與之大曲之弓旣而悔之遠啟疆見魯侯魯侯歸之大屈殆所謂大曲之弓也史記魯世家注攷證曰史記注本無字遺啟疆見魯侯魯侯歸之十字從本疏增補本疏引賈說又引服虔云一日云云賈說狂解諠中而疏家隔斷史記注遂并作服語然知爲解諠之文猶賴此耳今以史記注爲主參以本疏庶見解諠之舊末句本疏引作卽大曲也是疏家刪節語從史記注

賜子產莒之二方鼎

鼎三足則圓四足則方

本疏

吾聞將有達者曰孔丘聖人之後也而滅于宋其祖弗父何以有宋而授厲公及正考父佐戴武宣三命茲諡恭故其鼎銘云一命而僂再命而偃三命而俯

聖人謂商湯也孔子六代祖孔父嘉爲宋蕚督所殺

其子奔魯也

後漢書孔融傳注攷證曰孔子世家注引前五字

弗父何宋濬

公世子厲公之兄以有宋言濬公之適嗣當有宋國

而讓與弟厲公也

詩商頌那序疏攷證曰詩疏引此本無弗父何三字以下孔子世家

注引者例之知其必有文不具爾今以義補

正考父弗父何之曾孫僂偃

俯皆恭敬之貌也

孔子世家注

我若獲沒必屬說與何忌于夫子使事之

賈逵云孟僖子卒屬其子使事仲尼仲尼時年三十

五矣

襄二十一年疏攷證曰疏僞服虔載賈逵語如此前有是歲二字僖子以昭公二十四年卒傳

終言之則不得于此時僞是歲矣當是昭公二十四年孟僖子云云引者隨文易是歲爾今去此二字孔子世家索隱止引末句

歲時日月星辰是謂也

歲星之神也左行于地十二歲而一周時四時也日

十日也月十二月也星二十八宿也辰十二辰也是

爲六物也

詩小弁疏

石言于晉魏榆

八年

魏晉邑榆州里名

本疏攷證曰又見釋文晉邑作邑也又見水經洞渦水注未有也字

甚哉其相蒙也

蒙欺也

史記晉世家注

將往

將往者欲往到陳氏問助子良攻我意

本疏

與嬖袁克殺馬毀玉以葬

楚葬哀公

本疏攷證曰疏云賈服以葬哀公之文在殺孔奭之下以爲云云

一曰馬

陳侯所乘馬玉陳侯所佩玉故殺馬毀玉不欲使楚

得之

本疏

陳顓頊之族也

陳祖虞舜舜出顓頊故爲顓頊之族

史記陳杞世家注

宋萼亥鄭游吉衛趙驥會楚子于陳

九年攷證曰今本宋萼亥上有叔弓

二字案經書叔弓會楚子而傳著宋萼亥等不書叔弓故服注以爲後也服本無叔弓二字

此會宋鄭衛之大夫不書叔弓後也

本疏

然丹遷城父人于陳以夷濮西田益之

濮水名也

水經濮水注

蒲姑商奄

蒲姑商奄濱東海者也蒲姑齊也商奄魯也二十年

傳曰蒲姑氏因之定四年傳曰因商奄之民命以伯

禽

本疏

王有姻喪使趙成如周弔

婦之父曰姻王之后喪父于王亦有服義故往弔

本疏

陳災

愍陳不與楚故存陳而書之言陳尙爲國也

本疏攷證曰疏

傳賈服

火水妃也

火離也水坎也易卦離爲中女坎爲中男故火爲水

妃也

本疏

孟僖子如齊殷聘

殷中也

周禮大行人疏

自襄二十一年叔老聘于齊至今積二

十年故中復修盛聘之禮

儀禮聘禮疏攷證曰周禮大行人疏引者二十

有聘齊二字復下無修字末無之禮二字

請斷三尺焉而用之十年

斷三尺使至于較大夫旗至較

周禮與人疏

視民不佻

示民不偷薄

詩鹿鳴疏

冬十二月

經去冬刺不登臺視氣

公羊疏攷證曰經十有二月不書冬傳有冬疏傳賈服以

爲云云

孟僖子會邾莊公盟于祥

十一年攷證曰今本作祫祥公羊疏云服氏注引者直作

春秋傳服氏注十

三

詳無禮字

從服本

已乎已乎 十二年

已乎決絕之辭

本疏

求鼎以爲分

有功德受分器

史記楚世家注

筆路藍縷以處艸莽跋涉山林以事天子唯是桃弧棘矢以其禦王事

筆路柴車素木路也藍縷言衣敝壞其縷藍藍然也

艸行曰跋水行曰涉桃弧棘矢所以禦其災言楚地

山林無所出也

楚世家注攷證曰筆路之路史記作露故引注亦作露未知服本然否

齊王舅也

齊呂伋成王之舅

楚世家注

昔我皇祖伯父昆吾舊許是宅

陸終氏六子長曰昆吾少曰季連季連楚之祖故謂

昆吾爲伯父也昆吾曾居許地故曰舊許是宅也

楚世家

注家

晉伐鮮虞

穀梁傳曰其曰晉狄之也不正其與夷狄交伐中國

故狄稱之也

本疏攷證曰疏引穀梁傳文稱賈服取以爲說

請待于郊以聽國人

十三年

聽國人欲爲誰

史記楚世家注

將欲入郢

鄢楚別都也

楚世家注

吾父再奸王命

斷王旌執人于章夢之宮

楚世家注

獲其五帥

五率蕩侯潘子司馬督鄢尹午陵尹喜

楚世家注攷證曰師史記

作率故引注如此

康王跨之

兩足各跨璧一邊

楚世家注

同惡相求如市賈焉

謂國人共惡靈王者如市賈之人求利也

楚世家注

無與同好誰與同惡

言無黨于內當與誰共同好惡

楚世家注

無費而動可謂無謀

言靈王尙在而妄動取國故謂無謀也

楚世家注

私欲不違

不以私欲違民心

楚世家注

齊桓晉文不亦是乎

皆庶子而出奔

楚世家注

有國高以爲內主

國子高子皆齊之正卿

楚世家注

從善如流

言其疾也

楚世家注

惠懷兼民

皆棄民不恤

楚世家注

使諸侯歲聘以志榮間朝以講禮再朝而會以示威再會而盟以顯昭明

朝天子之濫

禮記王制疏攷證曰疏傳賈服

鄭伯男也

鄭伯爵在男服也

本疏攷證曰又見詩鄭譜疏鄭同

貢之無藝

藝極也一曰常也

本疏

司徒老祁慮癸

十四年

司徒姓也老祁字也慮癸亦姓字也二子季氏家臣

也

本疏

宥孤寡

宥寬赦其罪

本疏

乃施邢侯

施罪于邢侯也施猶劾也邢侯亡故劾之

本疏攷證曰首句本

鄭氏佚書

者利傳別氏註十

六

無也字從釋文補釋文
止引首句句末有也字

不爲末滅曰義也夫

滅讀爲咸不爲末者不爲末槩隱蔽之也咸曰義也

言人皆曰叔向是義

本疏攷證曰疏言服虔讀滅爲咸下屬爲句

吾見赤黑之祓

十五年

水黑火赤水相遇□□□□□□

本疏攷證曰疏引此下有云云

二字云云者當是故見赤黑之祓六字也引文不具今爲空方記之

辱必求之

辱欲

本疏攷證曰疏傳服虔以辱從下讀訓之爲欲必求之吾力助于請

禮王之大經也

經常也常所當行也

本疏

幾爲之笑而不陵我

十六年

幾近也孔張失位近爲所笑

本疏

刑之頗類

頗偏也類讀爲類不平也

本疏攷證曰疏言服虔讀類爲類

立于朝而祀于家

祀其所自出之君子家以爲太祖

本疏

其祭在廟

其祭在廟謂孔張先祖配廟會

本疏

非不能事大字小之難

鄭天失書春秋傳服氏注十

字養也言事大國易養小國難

本疏攷證曰疏言服虔斷字小之難以下

義爲

不亦銳乎

銳折也

本疏

昔者黃帝氏以雲紀故爲雲師而雲名炎帝氏以火紀故爲火師而火名共工氏以水紀故爲水師而水名太皞氏以龍紀故爲龍師而龍名

十七年

黃帝受命得景雲之瑞故以雲紀事黃帝以雲名官蓋春官爲青雲氏夏官爲緡雲氏秋官爲白雲氏冬官爲黑雲氏中官爲黃雲氏炎帝以火名官春官爲

大火夏官爲鶉火秋官爲西火冬官爲北火中官爲
中火共工以水名官春官爲東水夏官爲南水秋官
爲西水冬官爲北水中官爲中水太皞以龍名官春
官爲青龍氏夏官爲赤龍氏秋官爲白龍氏冬官爲
黑龍氏中官爲黃龍氏

本疏

五雉爲五工正利器用正度量夷民者也

雉者夷也夷平也使度量器用平也

本疏

九尾

攷證曰本疏云賈服皆云鷦鷯亦聲音爲名也據疏引賈注無此語蓋服亦引爾雅釋九尾而申其

義有此
文爾

自顓頊以來不能紀遠乃紀于近爲民師而命以民事

白少皞以上天子之號以其德百官之號以其徵自

顓頊以來天子之號以其地百官之紀以其事禮記月令

疏春官爲木正夏官爲火正秋官爲金正冬官爲水

正中官爲土正高辛氏因之故傳曰遂濟窮桑窮桑

顓頊所居

周禮疏序攷證曰又見路史後紀注九

涉自棘津

棘津猶孟津也

水經河水注

今茲火出而章必火火入而伏

攷證曰疏云賈氏傳文無重火字服虔注本火

出而章必火火入而伏重火別句今從服本

朱衛陳鄭皆火梓慎登大庭氏之庫以望之十八年

四國次有火氣也

本疏

大廷氏古亾國之名在黃帝前

其處高顯

周禮誦訓疏攷證曰本疏引在黃帝前四字

弗良及也

弗良及者不能及也良能也

本疏

禳火于元冥回祿

回祿火神

本疏攷證曰疏言先儒注左傳者皆云云服在其中

邠人藉稻

藉耕種于藉田也

本疏

今執事撝然

撝然猛貌也

本疏

鄭氏佚書

春秋傳服氏注十

費無極

十九年

楚大夫

史記楚世家注

許悼公瘡

許悼公靈公之子許男買瘡寒疾也

御覽皇親部太子類

飲大子止之藥卒大子奔晉書曰弑其君

禮醫不三世不使君有疾飲藥臣先嘗之親有疾飲

藥子先嘗之公疾未瘳而止進藥雖嘗而不出醫而

卒故國史書弑告于諸侯也

御覽皇親部太子類

盡心力以事君舍藥物可也

原止之無惡藥物不由醫無以加壽命有終故曰舍

藥物可也一日罪止也非刺無良史物贖爲勿止實

孝能盡心事君舍藥物以罪之

御覽皇親部太子類攷證曰此注多譌字

由字疑用字之譌贖字疑讀字之譌孝字疑未字之譌

若大城城父而寘大子焉

城父楚北境邑

史記楚世家注

懼隊宗主

祔主藏于宗廟故曰宗主

本疏

寡君與其二三老

二三老駟偃家臣

本疏

春王二月己丑日南至梓慎望氛

二十年

郭氏失書春秋傳服氏注十

王

梓慎知失閏二月冬至故獨以二月望氣

本疏

奮揚使城父人

城父人城父大夫也

本疏

相從爲愈

相從愈于其死

本疏

彼將有他志

欲取國

史記吳世家注

賓將擐

謂行夜

周禮鐔師疏攷證曰鐔師疏云杜子春云春秋傳所謂賓將趨者與釋曰賓將趨注謂行

夜不作趨者彼賈服讀字與子春意異

琴張聞宗魯歿

賈逵鄭眾皆以爲子張卽顓孫師案七十子傳云子張少孔子四十餘歲孔子是時四十知未有子張鄭賈之說不知所出

本疏攷證曰疏于案上加服虔云三字遂使解說原文隔斷今去之

君盍誅于祝固史嚚以辭賓

祝固齊大祝史嚚大史也謂祝史之固陋嚚聞不能盡禮薦美至于鬼神怒也

本疏

上下無怨

上下謂神人無怨

本疏攷證曰上下下脫無怨二字疏先解云上下無相怨引服虔省

爾去

上下怨疾

攷證曰上下無怨疏云卽如服言下云上下怨疾復是人與神相怨疾也

一氣

歌氣也

釋文

六律七音

七律謂七器音黃鐘爲宮林鐘爲徵太簇爲商南呂爲羽姑洗爲角應鐘爲變宮蕤賓爲變徵外傳云武王克商歲在鶉火月在天駟日在析木之津辰在斗柄星在天龍鶉火及天駟七列也南北之揆七月也堯氏爲鐘以律計自陪半一縣十九鐘鐘七律十二縣二百二十八鐘爲八十四律此一歲之閏

周禮小胥疏攷

證曰魏書樂志作黃鐘之均黃鐘爲宮大簇爲商姑洗爲角林鐘爲徵南呂爲羽應鐘爲變宮蕤賓爲變徵一縣十九鐘十二縣二百二十八鐘八十四律此刪節之辭

亟言之

二十一年

亟疾也疾言之欲使信

本疏

而不能送亾君請待之

攷證曰疏云服虔以君上屬

曰不狎鄙

狎亶也子城謂萼豹曰不亶射爲鄙一曰城言我不

狎習故鄙

本疏

王弗應

二十二年

賈逵以爲太子壽卒景王不立適子鄭厥以爲壽卒

鄭氏佚書

春秋左傳句解卷之十

三

王命猛代之後欲廢猛立朝耳

本疏攷證曰疏引此二說云服虔以賈爲

然則二說皆解說所有也

取前城

前讀爲泉周地也

水經伊水注

使各居一館

二十三年

賈逵云使邾魯大夫各居一館鄭眾云使叔孫子服

回各居一館邾魯大夫本不同館無爲復言使各居

一館也欲分別叔孫與子服回不得相見各聽其辭

耳賈氏近之

本疏攷證曰疏引賈鄭說後云服虔並載兩說仍云賈氏近之

戰于雞父

不書楚楚諱敗不告

本疏攷諱曰注首當有經字

南宮極震

南宮極王子朝之卿士也

御覽咎徵部地震類

先君之力可濟也

先君謂劉獻公文公父也獻公亦欲立子猛不欲令

子朝當國今南宮極震死爲天所棄先君之功事可

成也

御覽咎徵部地震類

今西王之大臣亦震

西王謂子朝也子朝居王城故謂之西王也

御覽咎徵部地震類

類震

東王必大克

東王敬王居狄泉狄泉在王城之東故曰東王也

御覽

咎徵部
地震類

乃縕于遼瀝

或謂之邑又謂之地

水經三
瀝地注

明其五侯

攷證曰疏云賈服王董皆作五侯則此外有
不作五侯者矣然今本亦是五侯不異也

賈逵云五侯五方之侯也敬授民時四方中央之侯

王云五侯山侯林侯澤侯川侯地侯也董云五侯侯

四方及國中之姦謀也

本疏攷證曰服本既同賈王
董則賈王董三說皆在解詁

中可知特折衷之
語爲孔所刪去耳

及鍾離而還

二十四年

鍾離州來西邑也

史記吳世家注

五牲三犧

二十五年

牲麋鹿熊狼野豕三犧雁鶩雉也

本疏

民有好惡喜怒哀樂生于六氣

好生于陽惡生于陰喜生于風怒生于雨哀生于晦

樂生于明

詩蒸民疏攷證曰本疏引賈說同

季氏介其雞邠氏爲之金距

擣芥子播其雞羽可以孕邠氏雞目

史記魯世家注攷證曰又見本

疏芥子下有爲末二字羽作翼傳賈注

金距以金踏距

儀禮少牢饋食疏攷證曰以金

春秋傳服氏注上

岳

踏距四字又見魯世家注

平子怒益宮于郕氏

怒其不下已也侵郕氏之宮地以自益

史記魯世家注

拘臧氏老

老臧氏家之大臣

魯世家注

請囚于費弗許請以五乘亾弗許

鄭季氏邑言五乘自省約以出

魯世家注

執冰而踞

冰饋丸蓋

詩大叔于田疏攷證曰本疏引賈注同末有也字

齊侯取郕

二十六年

往年齊侯取鄆實圍鄆耳經于圍書取傳實其事故

于是言取

本疏

然據有異焉

異猶怪也

史記魯世家注

劉子以王出

出成周也

本疏

使女寬守闕塞

闕塞南山伊闕是也

太平寰宇記

攷證曰又見元大一統志資治通鑑綱目

實質

欲立子西

子西平王之長庶子宜申也

御覽皇親部太子類

太子王弱

太子任卽昭王也其年幼弱母秦嬴

御覽皇親部太子類

王子建實聘之

謂夫人故太子建聘之

御覽皇親部太子類

是亂國而惡君王也

廢而不立是謂亂國迫惡君王也

御覽皇親部太子類

國有外援不可黷也

外援謂太子任秦之外孫黷易也秦爲任外援不可

易

御覽皇親部太子類

昔文武克殷

攷證曰文武今本作武王據注服王本作文武也

文王受命武王伐紂故云文武克殷

本疏攷證曰疏解服虔王肅並

注云

云

諸侯釋位以間王政

言諸侯釋其私政而佐王室

魏志武帝紀注攷證曰又見文選潘元茂冊魏

公九錫

文注

玩求無度

攷證曰玩今本作規據注服王孫本作玩

玩貪也本或作規謬也

本疏攷證曰疏解服王孫皆注云云

美哉室其誰有此乎

景公自恐德薄不能久享齊國故曰誰有此也

史記齊世

鄭氏佚書

春秋傳服氏注十

美

家注攷證曰

又見本疏

使延州來季子聘于上國

二十七年

上國中國也蓋以吳僻在東南地勢卑下中國在其

上流故謂中國爲上國也

本疏

以觀諸侯

察彊弱

史記吳世家注

楚莠尹然王尹麋帥師掾潛

攷證曰今本王作工據注服本是王字

王尹主宮內之政

本疏

上國有言曰

上國謂上古之國賢士所言也

本疏攷證曰釋文引上古國也四字

不索何獲

不索當何時得也

史記吳世家注

我王嗣也

夷昧生光而廢之僚者夷昧之庶兄夷昧卒僚代立

故光曰我王嗣也

本疏攷證曰吳世家索隱云公羊傳曰謁也餘祭也夷昧也與季子

同母者四人季子弱而才兄弟皆夢之同欲以爲君季子猶不受謁請兄弟迭爲君而致國乎季子皆曰諾故謁也亦餘祭也立餘祭也亦夷昧也立夷昧也亦則國宜之季子季子使而亡焉僚者長庶也卽之闔閭曰將從先君之命與則國宜之季子也如不從先君之命則我宜立者也僚惡得爲君乎于是使專諸刺僚史記壽夢四子亦約公羊文但以僚爲餘昧子爲異耳左氏其文不明服虔用公羊杜預依史記及吳越春秋下注徐廣引系本云夷昧生光引吳越春秋云王僚夷昧子今檢系本吳越春秋並無此語然春秋傳服氏注十

按左氏狐庸對趙文子謂夷末甚德而度其天所啟也必此君之子孫實終之若以僚爲夷末子不應此言又光言我王嗣則光是夷昧子明僚是壽夢庶子

母老子弱

母老子弱專諸託其母子于光也

史記吳世家注

是無若我何

猶言我無若是何

吳世家索隱

我爾身也

言我身猶爾身也

吳世家注

鮪設諸寘劍于魚中以進

全魚炙也

吳世家注

哀於事生以待天命

待其天命之終也

吳世家注

復命哭墓

復命于僚哭其墓也

吳世家注

復位而待

復本位待光命

吳世家注

取五甲五兵

兵戟也

本疏

遂弗藝也令尹炮之

民不冝藝也鄢將師稱令尹使女燔炮之

本疏

使宰獻而請安

主人請安謂主人使司正請安于賓

本疏

黧黑而甚美光可以鑑名曰元妻

二十八年

髮美爲鬢詩云鬢髮如雲言其美長而黑以髮美故

名元妻

本疏攷證曰又見詩君子偕老疏言其作其言釋文引前四字

貪恹無饜忿類無期

攷證曰釋文云類服作類

忿怒其類以饜其私無期度也

本疏

心能制義曰度

心能制事使得其宜言善揆度事也

詩皇矣疏

德正應和曰莫

在己爲德施行爲正發號施令天下皆應和之言皆

莫然而定無譴謗也

皇矣疏

昭臨四方曰明

豫見安危也

皇矣疏

教誨不倦曰長

教誨人以善不懈倦言善長人以道德也

皇矣疏

慈和徧服曰順

上凌下曰慈和中和也爲上而變下行之以中和天

下徧服從而順之

皇矣疏

擇善而從之曰比

比方損益古今之宜而從之

皇矣疏

經緯天地曰文

德能經緯順從天地之道故曰文

皇矣疏

不夕會

昨飲酒醉故不夕會

御覽人事部仇讎類

願以小人之腹爲君子之心屬屨而已

屬足也小人三子自謂小人腹飢則恐會之不足厭

飽則恐亾君子居尊官食重祿而知足故願以其腹

爲君子之心

御覽人事部仇讎類

齊侯使高張來唁公稱主君

二十九年

大夫稱主比公于大夫故稱主君

史記魯世家注

故國有豢龍氏有御龍氏

豢養也穀食曰豢御亦養也養馬曰圉禮養犬豕曰

豢

本疏攷證曰夏本紀注引御亦養三字

帝賜之乘龍河漢各二

河漢各二乘

釋文

四頭爲乘四乘十六頭也

本疏

其後有劉累

后劉累之爲諸侯者夏后賜之姓

史記夏本紀注

官宿其業

宿思也今日當預思明日之事如家人宿火矣

本疏

鄭氏佚書

春秋傳解氏注十

三

龍水物也水官棄矣故龍不生得

龍爲東方之獸是此方水官之物也水官廢矣故龍

不生得言母不修故子不至也

本疏攷證曰疏云漢氏先儒說左氏者皆

以爲五靈配五方龍屬木鳳屬火麟屬土白虎屬金神龜屬水其五行之次木生火火生土土生金金生水水生木王者修其母則致其子水官修則龍至木官修則鳳至火官修則麟至土官修則白虎至金官修則神龜至故爲其說云視明禮修而麟至思睿信立而白虎擾言從文成而神龜在沼聽聰知正而名川出龍貌共體仁則鳳皇來儀皆修其母而致其子也解此龍水物者云云稱漢氏先儒說左氏者皆以爲則鄭服在其中

其同人

天在上火炎上同于天天不可同故曰同人

本疏

遂濟窮桑

窮桑顓頊所居

路史後紀注九攷證曰又見水經鄆子河注

濟渡也言四

叔子孫世不失職遂渡少皞之世

本疏

遂賦晉國一鼓鐵以鑄刑鼎

鼓量名也曲禮曰獻米者操量鼓取晉國一鼓鐵以

鑄之

本疏

非公且徵過也

三十年

非公且徵過昭公無道久在外季氏非公不肯釋言

公在某地春秋之義亦以不書徵季氏之過此年書

者公不得入晉外內有困辱季氏閔而釋之所謂事

君如在國按明年傳云言不能外內又明年傳云言

不能外內又不能用其人皆是傳說經意非責昭公

不是季氏非公也

本疏

不絕季氏而賜之祿

三十一年

言賜不使祿是爲以祿賜之

太疏

邾黑肱以濫來奔

公羊五分之然後受之邾婁本附庸三十里耳而言

五分之爲六里國也

公羊疏攷證曰疏
傳服虔成長義

十二月辛亥朔日有食之是夜也趙簡子夢童子羸而

轉以歌旦占諸史墨曰吾夢如是今而日食何也對曰

六年及此月也吳其入郢乎終亦弗克入郢必以庚辰
日月在辰尾庚午之日始有謫火勝金故弗克

史墨晉史蔡墨

史記魯世家注

是歲歲在析木後六年在太

梁大梁水宗十一月日在星紀爲吳國分楚之先顓
頊之子老童童子楚象行歌象楚走哭姬姓日日在
星紀星紀之分姬姓吳也楚衰則吳得志吳世世與
楚怨楚走去其國故曰吳其入郢吳屬水水數六十
月水位故曰六年及此月也有適而會故知吳終亦
不克後六年定四年十一月閏餘十七閏在四月後
其十一月晦晦庚辰吳入郢在立冬後復此月也十

二月辛亥日會月于龍尾而會庚午日初有適故曰
庚辰一曰日月在辰尾尾爲亾臣是歲吳始用子胥
之謀以伐楚故天炁象午火庚金也火當勝金而反
有適故爲不克晉諸侯之霸與楚同盟趙簡子爲執
政之卿遠夷將伐同盟日應之會故夢發簡子周禮占夢
疏

不及四十年越其有吳乎越得歲而吳伐之必受其凶
三十二年

歲星在星紀吳越之分野蔡復之歲歲在大梁距此
十九年昭十五年有事于武宮之歲龍度天門龍歲

星也天門在戌是歲越過故使今年越得歲龍東方
宿天德之貴神其所任之國兵必昌向之以兵則凶
吳越同次吳先舉兵故凶也或歲星在越分中故云
得歲史墨知不及四十年越有吳者以其歲星十二
年一周天存亡之數不過三紀三者天地人之數故
歲星三周星紀至元楊哀二十二年越滅吳至此三
十八年周禮占夢疏攷證曰昭九年疏云服氏以爲
有事于武宮之歲龍度天門謂十五年歲星
從申越未而至午厯家以周天十二次次別爲百四
十四分歲星每年行一百四十五分是歲星行一次
外賸行一分積一百四十四年乃
賸行一次故昭十五年得超一辰

合諸侯之大夫于狄泉

鄭氏佚書

卷之四 月日注一

三

翟泉在洛陽東北周之墓地

水經穀水注攷證曰水經注傅班固服虔皇甫

言謹咸

春秋傳服氏注十一

鄭氏佚書十五之十一

鄧袁鈞學

定公左氏傳解詁第十一

君行師從卿行旅從

四年

謂會同

詩黍苗疏

將長蔡于衛

載書使蔡在衛上

史記管蔡世家注

蔡叔康叔之兄也

蔡叔周公兄

本疏攷證曰疏稱賈逵等皆言如此知服亦然也

封父之繁弱

鄭氏佚書 春秋傳服氏注十一

古者伐國遷其重器以與同姓此繁弱封父之國爲之不知何時滅其國而得之也

本疏攷證曰疏傳鄭康成曰

備物典策

備物國之職物之備也當謂國君威儀之物若今織

扇之屬備賜魯也

本疏

楚子取其妹季芊界我以出

季芊許嫁而字界我季芊字也禮婦人許嫁笄而稱

字季芊稱字是許嫁也蓋遭亂夫死而改適鍾建耳

本疏攷證曰釋文引界我季芊之字六字

王奔鄆

鄖楚邑

史記吳世家注

平王殺吾父

父蔓成然

史記楚世家注

以王奔隨

隨楚與國也

史記吳世家注

與申包胥友

楚大夫王孫包胥

史記楚世家注

歸粟于蔡

五年

不書所會後也

本疏攷證曰疏言服虔取彼公穀二傳爲說云云

于是乎遷郢于都

六年

鄭氏佚書

春秋傳服氏注十一

二

都楚邑

史記吳世家注

齊人歸鄆陽關

七年

陽關魯邑

史記魯世家注

吾志其目也

八年

志中其目是非其誠詐以自矜

儀禮大射儀疏

順祀先公

自躋僖公以來昭穆皆逆

禮記禮器疏

取寶玉大弓以出

夏后氏之璜封父之繁弱成王所以分魯公也

本疏攷證

曰疏言劉歆以來說左氏者皆以爲云云服氏在其中

皙幘而衣狸製

九年

狸製狸裘也

詩七月疏

以五家免

是時齊克夷儀而有之既爲齊有故齊得優免其爲

役也

本疏

公會齊侯于祝其實夾谷

十年

東海郡祝其縣也

史記周本紀注攷證曰又地二名見齊世家注無郡也二字

水經淮水注

若使萊人

東萊黃縣是

史記夏本紀注

且犧象不出門嘉樂不野合

犧象饗禮之犧尊象尊也嘉樂鐘鼓之樂也

詩鼓鐘疏

齊人來歸鄆韞龜陰之田

三田汶陽田也龜山名陰之田得其田不得其山也

史記魯世家注

仲由爲季氏宰將墮三都

十二年

仲由子路

史記魯世家注

三都三家之邑也

史記孔子世家注

公與三子

三子季孫孟孫叔孫也

孔子世家注

入及公側

人有入及公之臺側

孔子世家注

仲尼命申句須樂頎下伐之

申句須樂頎魯大夫

孔子世家注

公斂處父

成宰也

孔子世家注

晉趙鞅謂邯鄲午曰歸我衛貢五百家吾舍諸晉陽

三年

往年趙鞅圍衛衛人恐懼故貢五百家鞅置之邯鄲

又欲更徙于晉陽

史記趙世家注

歸告其父兄

午之諸父兄及邯鄲中長老

趙世家注

趙稷

稷午子

趙世家注

范皋夷

范氏之側室子

趙世家注

荀躁言于晉侯

荀躁智文子

趙世家注

韓魏以趙氏爲請

以其罪輕于荀范也

趙世家注

衛侯爲夫人南子召宋朝會于洮

十四年

衛侯爲夫人南子召宋朝故與宋公會于洮

本疏攷
洮曰洮

去服虔以會于
洮上屬爲駁

春秋傳服氏注十二

鄭氏佚書十五之十二

鄧袁鈞學

哀公左氏傳解詁第十二

使疆于江汝之間而還

元年

蔡使楚進疆于故江國與汝水之間

本疏

以行成

行成求成也

史記吳世家注

滅夏后相

夏后相啟之孫

吳世家注

生少康焉

鄭氏佚書

春秋傳服氏注十二

后緒遺腹子

吳世家注

以收夏眾撫其官職

因此基業稍收取夏遺民餘眾撫修夏之故官憲典

吳世家注

祀夏配天

以鯀配天也

吳世家注

越十年生聚

令少者無娶老婦老者無娶少婦女十七不嫁男二十不娶父母有罪也將生子以告與之醵饋之餽也
灰者釋其征必哭泣葬埋如其子也孺子遊者必饋

歡之也非手所種夫人所織不用十年不收于國本疏
在軍熟食者分而後敢食

以其半分軍士而後自食其餘若簞膠注流也本疏

伐邾將伐絞邾人變其土故賂以漕沂之田而受盟二
年

季孫尊卿敵服先歸使二子與盟

本疏攷證曰經書二月季孫斯叔孫

州仇仲孫何忌帥師伐邾取漕東田及沂西田又書
癸巳叔孫州仇仲孫何忌及邾子盟于句繹故服引
經云然引經
之文既脫爾

郕不足以辱社稷

郕自謂已無德不足立以汚辱社稷

史記衛世家注

鄆天失誓

春秋傳服氏注十二

二

三揖在下

三揖卿大夫士士揖庶姓時揖異姓天揖同姓

本疏

八人衰經僞自衛逆者

衰經爲若從衛來迎太子也

史記衛世家注

志父無罪

趙鞅入于晉陽以叛諸侯之策書曰晉趙鞅以叛既

復更名志父

本疏

邾父邨

王良也

本疏

及鐵之戰

趙鞅入晉陽以叛後得歸改名志父春秋仍舊猶書

趙鞅帥師及鄭罕達戰于鐵

釋文攷證曰釋文本無帥師以下九字公羊疏

云服引經罕達之下無帥師字是釋文引文不具今補

立于象魏之外

象魏闕也法令縣之朝謂其書爲象魏

御覽居處部宮闕類

孔子在陳聞火曰其桓僖乎

桓僖當毀而魯事非禮之廟故孔子間有火災知其

加桓僖也

史記孔子世家注

季氏出桓公又爲僖公所立故

不毀其廟俱在迭毀故不言及

本疏

召正當

召而問兒死意

本疏

襲梁及霍

四年

梁霍周南鄙也

水經汝水注

以畀楚師于三戶

三戶漳水津也

史記項羽本紀注

齊燕姬生子不成而死諸子鬻姬之子荼嬰諸大夫恐其爲子也

五年攷證曰爲子今本作爲太子

燕姬齊景公嫡夫人昭七年燕人所歸不成未冠也

諸子諸公子鬻姬景公妾也消于人所納女荼安孺

子爲子爲太子也荼少故恐立之

御覽皇親部太子類

君之齒長矣未有太子若之何

言君長未有太子一旦不諱當老之何欲齊侯早立

長也

御覽皇親部太子類

二三子間于憂虞則有疾疢亦姑謀樂何憂于無君

言二三子當國家閒暇無憂虞惟恐疾疢在其間今

無疾疢何爲不自謀自樂何憂無君乎

御覽皇親部太子類

使國惠子高昭子立荼寅羣公子于萊

國惠子國景之子國夏也昭子高姬之子高張也寅

置萊齊東鄙邑欲使遠齊

御覽皇親部太子類攷證日史記齊世家注引萊齊

東鄙邑

五字

萊人歌之曰景公死乎不與埋三軍之事乎不與謀師乎師乎何黨之乎

萊人見五公子遠遷鄆邑不得與景公葬埋之事及圖三軍之謀故惑而歌師徒眾也黨所也言公子徒眾何所適也

史記齊世家注放證曰又見御覽皇親部及圖之圖世家注諺國從御覽

晏圍

六年

圍晏嬰之子

齊世家注

潛師閉塗逆越女之子章

閉塗不通外使也越女昭王之妾

史記楚世家注

楚子使問諸周太史

諸侯皆有太史主周所賜典籍故曰周太史一曰是

時往問周太史

本疏

三代命祀祭不越望

謂所受王命祀其國中山川爲望

史記楚世家注

夏書曰惟彼陶唐帥彼天常有此冀方今失其行亂其紀綱乃滅而亡

逸書夏桀之時

本疏攷證曰疏云賈服孫杜皆不見古文以爲逸書解爲云云書堯典疏

云服虔杜預注左傳亂其紀綱並云夏桀時

堯居冀州虞夏因之不遷居

不易民其陶唐虞夏之都大率相近不出河東之界

詩魏譜疏

知必危何故不言

七年

諸大夫誠知伐邾必危何故不早言也

本疏攷證曰杜解以知必

危二句上屬爲諸大夫荅孟孫魯德如邾以下始作孟孫語疏言服虔以上二句亦爲孟孫之言

曹人或夢眾君子立于社宮

眾君子諸國君妾耳

本疏社宮社也水經注

遇水適火

九年

兆南行適火卜灋橫者爲土立者爲木斜向經者爲

金背經者爲火因兆而細曲者爲水

本疏

吳子三日哭于軍門之外

十年

諸侯相臨之禮

史記吳世家注

侵及賴

賴齊邑

史記齊世家注

其有顛越不共則剿殄無遺育

十一年

顛殞也越墜也顛越無道則割絕無遺也

史記吳世家注

屬其子于鮑氏

鮑氏齊大夫

吳世家注

使賜之屬鏤以歿

屬鏤劍名賜使自刎

吳世家注

孔文子

文子衛卿也

史記孔子世家注

胡簋之事

夏曰胡

本疏攷證曰疏言賈服注皆云案論語疏云賈服杜等注左傳皆云夏曰瑚殷曰璠彼以

鄭瑚璠之注連及之故不及簋其實注左傳當有周曰簋一句也

鳥則擇木木豈能擇鳥

鳥以喻己木以喻所之之國

史記孔子世家注

公會吳于橐皋

十二年

橐皋地名也

史記吳世家注

請尋盟

尋之言重也溫也

儀禮有司徹疏

亦可寒也

寒歇也亦可寒而歇之

有司徹疏

侯伯致禮地主歸饌

致賓禮于地主

本疏

自到七人于幕下

十三年

以絕口

史記吳世家注

西狩于大野叔孫氏之車子鉏商獲麟以爲不祥以賜

虞人仲尼觀之曰麟也然後取之

十四年

麟中央土獸土爲信信禮之子修其母致其子視明

禮修而麟至思睿信立而白虎擾言從義成而神龜

在沼聽聰知正而名川出龍貌恭性仁而鳳凰來儀

禮記禮運疏攷證曰詩麟趾疏引視明已下立下無而字而神龜而鳳凰之而竝作則川作山性作體麟趾序釋文引視明句

夫子以哀十一年自衛反魯而

作春秋約之以禮故有麟應而至

春秋序疏攷證曰本疏云賈逵服虔

穎容等皆以爲孔子自衛反魯攷正禮樂修春秋約以周禮三年文成致麟麟感而至取龍爲水物故以爲修母致

子之應言西者有意于西明夫子有立言立言之

位在西方故著于西也

本疏

大野藪名魯田圃之常處

蓋今鉅野是也

史記孔子世家注

車車士微者也子姓鉅商

名

本疏攷證曰孔子世家注引作車子微者也鉅商名也誤素隱引子姓二字

麟非時所

常見故怪之以爲不祥也仲尼名之曰麟然後魯人

乃取之也明麟爲仲尼至也

史記孔子世家注攷證曰本疏引仲尼句及明

麟句

小邾射以句繹來奔

春秋終于獲麟故小邾射不在三叛中人也弟子欲明夫子作春秋以顯其師故書小邾射以下至孔子

卒

春秋序疏

子我夕

夕省事

史記齊世家注

陳逆殺人逢之

子我將往夕省事于君而逢逆之殺人也

齊世家注

陳氏方睦

鄭氏佚書

春秋傳用氏注十二

八

陳常方欲謀有齊國故和其宗族

齊世家注

使疾而遺之潘沐

使陳逆詐病而遺也

齊世家注

子我盟諸陳于陳宗

子我見陳逆得生出而恐爲陳氏所怨故與盟而請

和也陳宗宗長之家

齊世家注

我遠于陳氏矣且其違者不過數人

言我與陳氏宗疏遠也違者不從子我者

齊世家注

彼得君弗先必禍子子行舍于公宮

彼謂闕止也子謂陳常也止于公宮爲陳氏作內間

也

齊世家注

成子兄弟四乘如公

成子兄弟八人二人共一乘故曰四乘

齊世家注

出逆之遂入閉門

成子兄弟見子我出遂突入反閉門子我不得復入

齊世家注

侍人禦之

闔閭以兵禦陳氏

齊世家注

子行般侍人

舍于公宮故得般之

齊世家注

鄭氏失書

春秋傳服氏注十二

九

公與婦人飲酒于檀臺

當陳氏入時飲酒于此臺

齊世家注

成子遷諸寢

欲徙公令居寢也

齊世家注

太史子餘

齊大夫

齊世家注

將出

出奔也

齊世家注

有如陳宗

陳宗先祖鬼神也

本義

屬徒

會徒眾

史記齊世家注

攻闢與大門

宮中之門曰闢大門公門也

齊世家注

般諸郭開

齊開名

齊世家注

成子將般大陸子方

子方子我黨大夫東郭賈也

齊世家注

何以見魯衛之士

子方將欲奔魯衛也

齊世家注

將以尸入

十五年

在牀曰尸在棺曰柩

本疏

書社五百

書籍也

史記孔子世家注

舍于孔氏之外圃昏二人蒙衣而乘

圃園二人謂良夫太子蒙衣爲婦人之服以巾蒙其

頭而共乘也

史記衛世家注

孔氏之老樂寧問之

家臣稱老問其姓名

衛世家注攷證曰問上疑脫問之二字

遂入適伯姬氏

入孔氏家適伯姬所居

衛世家注

孔伯姬杖戈而先

先至孔慄所

衛世家注

遂劫以登臺

于衛臺上召衛羣臣

衛世家注

使告季子

季路爲孔氏邑宰故告之

衛世家注

召護駕乘車

攷證曰護今本作獲史記作護據注服本同史記

召護衛大夫駕乘車不駕兵車也言無距父之意也

衛世家注

行爵食炙

欒宣使召季路乃行爵食炙

衛世家注

奉衛侯輒來奔

召護奉衛侯

衛世家注

食焉不辟其難

言食惺之祿欲救惺之難此明其不死國也

衛世家注

公孫敢門焉曰無入爲也

公孫敢衛大夫言輒已出無爲復入

衛世家注

下石乞孟壓敵子路

二子蒯聵之臣敵當也

衛世家注

冠不免

不使冠在地

衛世家注

稱一人非名也

十六年

天子自謂一人非諸侯所當名也

史記孔子世家注

爲白公

白邑名楚邑大夫皆稱公

史記楚世家注

請以戰備獻

欲陳士卒甲兵如與吳戰時所入獻捷

本疏

以如昭夫人之宮

昭王夫人惠王母越女也

史記楚世家注

國子實執齊柄

十七年

秉權柄也

史記蔡澤傳註

如魚窺尾衡流而方羊裔焉

賈逵云窺赤色魚勞則尾赤橫流方羊不能自安裔

水邊言衛侯將若此魚鄭眾云魚勞則尾赤方羊遊

戲喻衛侯淫縱

本疏攷證曰說赤至此魚杜注文疏云是賈逵之說又引鄭眾說云云案

詩汝墳疏引鄭氏云魚肥則尾赤以喻蒯瞶淫縱則鄭眾說是魚肥本疏字譌汝墳疏言服氏魚勞之解與賈同是賈鄭並解說文而服從賈其未當有折衷之語引者刪去爾

立公子起

起靈公子

史記衛世家注

驟諫吳子 二十年

驟數也

詩將仲子疏

是躗言也

二十四年

躗偽不信言也

釋文

餽臧石牛

牲生

儀禮聘禮疏攷證曰此注未全疑脫曰餽二字

衛侯出奔宋

二十五年

此下但有適城鉏以鉤越無奔宋之事

本疏

陳成子屬孤子

二十七年

屬會也孤子死事者之子也

御覽封建部成王事子孫封類

公游于陵阪

陵阪地名

史記魯世家注